

四庫全書

子部

欽定四庫全書

子部

玉機微義卷四十一至五

詳校官太醫院_臣程_臣表天錫

編修_臣倉聖脈覆勘

總校官知縣_臣繆琪

校對官中書_臣宋枋遠

謄錄監生_臣王宮

欽定四庫全書

玉機微義卷四十一

明

徐用誠 原輯

劉 純 續增

風癰門

一叙癰病之始

靈樞云暴掌癰眩足不任身取天柱 天柱穴足太陽也

又云癰癰瘕瘕不知所苦兩蹻之下男陽女陰

按潔古云晝發灸陽蹻夜發灸陰蹻各二七壯陽蹻

起於跟中循外踝上行入風池

申脉穴也

陰蹻亦起

於跟中循內踝上行至咽喉交貫衝脉

照海穴也

又按內經言癰而不言瘡古方以癰癰或併言或言風癰或言風瘡或言癰狂所指不一蓋瘡病歸於五臟癰病屬之於心故今以風瘡另立一門而癰狂合為一門也又瘡與瘡畧相類而實不同其病發身軟時醒者謂之瘡也身強直反張如弓不時醒者謂之瘡也瘡病隨其痰之潮作故有時而醒瘡病比瘡為

甚而有挾虛者故因其昏冒而遂致亡者多矣

論癰病所因

三因云夫癰癰病皆由驚動使臟氣不平鬱而生涎閉塞諸經厥而乃成或在母胎中受驚或幼小感風寒暑濕或飲食不節逆於臟氣而成蓋忤氣得之外驚恐得之內飲食屬不內外三因不同忤氣則一

按此所論三因固皆切當但胎內受驚與飲食作癰者多而外感者間而有之

論三癰

千金方云小兒之癰有三風癰驚癰食癰也風癰緣衣
暖汗出風因入也初時先屈指如數乃作驚癰起於驚
怖大啼乃作食癰其先不哺乳吐而變熱後發然風癰
驚癰時時有之十兒之中未有一二凡是先寒後熱熱
者皆食癰也驚癰皆按圖灸之風癰當與猪心湯食癰
當下乃愈救霜丸佳

按此論三癰蓋有三因之分風癰屬外因驚癰屬內

因食癰屬不內外因也

論五癰

三因云古方有三癰五臟癰六畜癰等名證不同難於
備載別錄有五癰之證一曰馬癰作馬嘶鳴以馬屬在
午手少陰君火主之故其病生於心二曰羊癰作羊叫
聲以羊屬未足太陰濕土主之應乎脾三曰雞癰作雞
叫聲以雞屬酉足陽明燥金主之應乎胃四曰猪癰作
猪叫聲以猪屬亥手厥陰心包主之應乎右腎五曰牛

癰作牛吼聲以牛屬丑手太陰濕土主之應乎肺此五
癰應乎五畜五畜應乎五臟者也發則旋暈顛倒口眼
相引目睛上搖手足搐搦背脊強直食頃乃甦各隨所
感施以治法

錢氏云凡治五癰皆隨臟治之每臟各有一獸犬癰反
折上竄犬叫肝也羊癰目瞪吐舌羊叫心也牛癰目直
視腹滿牛叫脾也雞癰驚跳反折手縱雞叫肺也猪癰
如尸吐沫猪叫腎也五癰重者死病後甚者亦死輕者

五色丸主之

按千金方叙六畜癰曰馬曰牛曰羊曰猪曰犬曰雞
並不以六畜分屬五臟今三因所引五癰無犬癰一
證錢氏叙五癰一證無馬癰一證二書以五獸分配
五臟各各不同俱不知所由然也三因雖有馬無犬
癰及五臟有胃無腎之說亦難據憑無所載焉

論癰有陰陽

千金方云病先身熱掣癰驚啼叫喚而後發癰脉浮者

為陽癰病在六腑外在肌膚猶易治也病先身冷不驚
掣不啼呼而病發時脉沉者為陰癰病在五臟內在骨
髓難治也

按此論癰之陰陽後世有認為寒熱者誤也蓋此疾
皆以痰熱所作而得其傷於陽分在表而淺則曰陽
癰故云易治其傷於陰分入裏而深則曰陰癰故云
難治所論陰陽者乃表裏臟腑淺深之謂非寒熱之
謂也

論癇證由熱

原病式云風癇之發作者由熱甚而風燥為其兼化延溢胸膈燥燥而氣痰昏冒僵仆也

治癇用吐下之法

子和書云夫癇病不至目瞪如愚者用三聖散投之更用火盆於暖室中令汗吐下三法並行次服通聖散百餘日則愈矣至於目瞪如愚者不可治內經曰神不守謂神亂也大凡此疾乃肝經有熱吐後可服瀉青丸下之

按癰病多由風痰膠固胸膈上下故大法先宜吐之
吐後可用清熱之藥如東垣安神丸守真龍會丸之
類皆可服不獨通聖散也痰實在裏不解宜導痰清
熱亦不獨瀉青丸也

癰分脉藥寒溫不同

難知云治洪長伏三脉風癰驚癰發狂惡人與火灸第
三第九椎服局方妙香丸以針投眼子透冷水內浸少
時服之如本方法治弦細緩三脉諸癰似狂李和南五

生九

按此以脉之陰陽虛實分而用藥可謂善矣但癇病出於風熱痰之所致而其藥有寒熱之異者由其標本虛實傳變之不同故也

謹按癇病古方或云風癇或云驚癇或云癩癇由此疾與中風顛狂急慢驚相類故命名不同也原其所由或在母腹中受驚或因聞大驚而得蓋小兒神氣尚弱驚則神不守舍舍空則痰涎歸之或飲食失節

脾胃有傷積為痰飲以致痰迷心竅而作者治法必當尋火尋痰而論前人多用鎮墜清心之藥固可以治熱可以清痰若有頑痰膠固者此藥未易驅逐在上者必先用吐吐後方宜服此更有痰實在裏者亦須下之隨病輕重而用也或曰癰有陰陽何也予曰此與急慢驚者可同論也陽癰不因吐下由其有痰有熱客於心胃之間因聞大驚而作若熱盛雖不聞驚亦自作也宜用寒藥以攻治之陰癰亦本於痰熱

所作醫以寒涼攻下太過損傷脾胃變而成陰宜用
溫平補胃燥痰之藥治之若曰不因壞證而有陰陽
之分則是指痰熱所客表裏臟腑淺深而言癰病豈
本自有陰寒者哉

風癰治法

清心安神之劑

寶鑑龍腦安神丸治男女五般癰癩無問遠近發作無
時

茯神 三兩

人參

地骨皮

甘草

麥門冬

桑白皮 各二兩
馬牙硝 二錢

龍腦

麝香 各三錢
牛黃 半兩

硃砂 二錢

烏犀 一兩

金箔 三十五片

右為細末煉蜜為丸如彈子大金箔為衣如風癰病
冬月溫水化下夏月涼水化下不以時二三歲者日
進二服小兒一九分二服虛勞發熱咳嗽新汲水化

下

按此手少陰太陰經藥也出厥陰例

神應丹治諸癰

辰砂 不以多少研

右以猪心血和之得所以蒸餅裹劑蒸熟取出就丸
如桐子大每服一九食後臨卧煎人參湯下

按此手少陰經藥也出厥陰硃砂例

墜痰清神之劑

錢氏五色丸

硃砂半兩研水銀一分

雄黃一兩熬

真珠末一兩研

鉛三兩同水銀熬

右煉蜜丸如麻子大每服三四丸煎金銀薄荷湯下
三因六珍丹治風癰失性顛倒欲死或作五畜等聲掣
縱吐沫久而方甦

雄黃

雌黃

朱鎖真珠各一兩

鉛二兩熬成屑丹砂半兩水銀一兩半

右研令極勻蜜丸桐子大每服三九至五九薑棗湯

下須搗二三萬杵乃可丸

礬丹治五癩五癰無問陰陽冷熱

號丹

晉礬 各一兩

右用塼鑿一窠可容二兩許先安丹在下次安礬在
上以炭五斤煨令炭盡取出細研以不經水猪心血
為丸如菉豆大每服十九至二十九橘皮湯下

元戎二白丸

白礬 一塊約一兩

右用生蒸餅裹剉蒸熟去皮可丸入輕粉一字或半錢量虛實加減丸桐子大每服二三十丸生薑湯下小兒丸小些

子和硃砂滾涎散治五癰

硃砂

白礬生用

赤石脂

硝石各等分

右為細末研蒜膏為丸如菉豆大每服三十丸食後荊芥湯下

寶鑑琥珀壽星丸

天南星一斤掘坑用火煨燒坑紅出炭淨入好酒
一升潑火穴中放入南星蓋穴勿令通氣過一宿
取出焙末入珠子四兩硃砂二兩半為衣

右以猪心血打薑糊丸如桐子大每服五十丸煎人
參湯送下空心日三服

按已上六方雖俱手少陰經藥並出厥陰例

治痰溫熱之劑

李和南五生丸治癰有神治陰脉弦細緩者

南星

半夏

川烏

白附子

各一兩

大豆

去皮一兩

右為細末滴水為丸每服三九至五九不過七九薑湯下

元戎小靈寶丹

附子

炮一兩 天麻

全蝎

白殭蚕

炒

藿香葉

南星

炮

白附子

炮各半兩

右細末酒糊九桐子大溫酒下一十五丸

按已上二方並出厥陰風癇例藥也

吐劑

局方碧霞丹治痰涎壅塞牙關緊急心神迷悶目睛上視五種癇疾時作搐搦

石碌 研九度飛十兩

附子尖

烏頭尖

蝎梢各七十箇

右為末入石碌令勻麪糊丸如雞豆每服用薄荷汁

半盞化下一丸更以酒半合溫服之須臾吐出痰涎然後隨證治之如口禁幹開灌之

子和三聖散

方見吐劑

治痰攻下之劑

嚴氏控涎丸治諸癰久不愈頑涎散聚無時

川烏生

半夏各半兩鉄粉三錢甘遂二錢半

殭蠶不炒生薑汁浸一宿半兩全蝎去尖七箇

右為細末生薑自然汁成薄糊丸如菉豆大硃砂為衣每服十五丸食後薑湯下忌甘草

按此厥陰例藥也

三因控涎丹

方見痰飲門

錢氏白餅子

方見痰飲門

千金紫九治食癰先寒後熱方

方見內傷門

拔萃妙香丸治時疾傷寒解五毒潮熱積熱及小兒驚

百病

辰砂研九兩牛黃半兩 金箔九十片研

龍腦 膩粉 麝香研各七錢半

巴豆三百十五箇去皮心研去油

右合研勻煉蜜去蠟淨入沙蜜白者七錢半同煉勻
為丸每兩作三十九丸米飲調下

按海藏云此治脉洪長大有力內熱者無力內寒五
生九主之治小兒每一丸分十五粒每服二丸蜜水
下出厥陰風癇例藥也已上五方有寒熱溫涼之異
用者隨證擇焉

平肝瀉火之劑

宣明當歸龍膽丸治腎水陰虛風熱蘊積時發驚悸筋
脉搐搦暗風癇病

方見諸火門

千金龍膽湯治嬰兒出腹血脉盛實寒熱溫壯四肢驚
掣發熱并諸驚癇方

龍膽

鈎藤皮

柴胡

黃芩

桂枝

芍藥

茯苓一作茯神

甘草各六銖
螳螂二枚

大黃一兩

右㕮咀以水一升煮取五合為劑服之

按此少陽厥陰經藥也

錢氏瀉青丸

方見小兒門

通解風熱之劑

宣明防風通聖散亦治風癰

方見中風門

救壞證之劑

寶鑑沉香天麻湯治一小兒四歲因長老摩頂受記僧人念呪恐懼發搐痰涎有聲目多白睛強項背一時許方醒後每見皂衣人即發多服犀硃腦麝鎮墜之

藥已四年餘此證尚在又添行步動作神思如痴診其脉沉弦而急針經云心脉滿大癰瘕筋攣病久氣弱多服鎮墜寒涼之劑復損正氣致添動作如痴先灸兩躄各二七壯次服此藥

又肝脉小急蓋小兒神氣尚弱因而被驚神思無依又動於肝肝主筋故癰瘕筋攣

沉香 益智仁 川烏 各二錢 天麻

防風 半夏 附子 炮各三錢 羌活 五錢

獨活四錢

甘草

當歸

殭蠶各一錢半

經云恐則氣下精怯而上焦閉以羌活獨活苦溫引
氣上行又入太陽為引用故以為君天麻防風辛溫
以散之當歸甘草辛甘溫以補氣血之不足又養胃
氣故以為臣附子川烏益智大辛溫行陽退陰又治
客寒傷胃腎主五液入脾為涎以生薑半夏燥濕化
痰沉香辛溫體重氣清去怯安神故以為使

右剉每服五錢水二盞生薑三片煎至一盞去滓溫

服食前三劑而愈

按痼證本從熱治然亦有壞證而成陰者如錢仲陽所治王氏子吐瀉諸醫藥下之至虛變慢驚手足瘳癢而身冷醫復與八正散錢曰不能食而胃中虛若利大小便即死久則脾腎俱虛當身冷而閉目必用益黃散史君子九補脾遂能飲食後又不語錢以地黃丸補腎一月而安皆此意也此方用大熱之藥乃從權以救前治之失非常治之道也

玉機微義卷四十一

欽定四庫全書

玉機微義卷四十二

明 徐用誠 原輯

劉 純 續增

破傷風門

論破傷風表裏中治法

病機云破傷風者同傷寒證治通於表裏分別陰陽有在表有在裏有在半表半裏者在裏宜下在表宜汗在表裏之間宜和解不可過其治也故表脉浮而無力者

太陽也脉長而有力者陽明也脉浮而弦小者少陽也
若明此三法而施治不中病者鮮矣

原病式云夫破傷中風之由者因瘡熱甚鬱結而榮衛
不得宣通怫熱因之徧體故多白痴是時瘡口閉塞氣
難通泄熱甚則生風也不已則表傳於裏亦猶觸冒傷
寒怫熱鬱甚不解則表傳於裏者也但有風熱微甚兼
化故殊異矣大法破傷中風風熱燥甚怫鬱在表而裏
氣尚平者善伸數欠筋脉拘急或時惡寒或筋惕而搐

脉浮數而弦也宜以辛熱治風之藥開衝結滯而愈猶傷寒表熱怫鬱而以麻黃湯辛熱發散者也凡用辛熱開衝風熱結滯宜以寒藥佐之則良免致藥中病而風熱轉甚也如治傷寒發熱用麻黃桂枝加黃芩石膏知母之類是也若世以甘草滑石蔥豉寒藥發散甚妙若表不已漸傷入裏裏又未太甚而脉在肌肉者宜以退風熱開結滯之寒藥調之或微加治風辛熱亦得猶傷寒在半表半裏而以小柴胡和解之也若裏熱已甚而

舌強口禁項背反張驚搐惕搦涎唾稠粘胸腹滿塞而
或便溺閉結或時汗出脉洪數而弦也然汗出者由風
熱鬱甚於裏而表熱稍罷則腠理疎泄而心火熱甚故
汗出也法宜除風散結寒藥下之後以退風熱開結滯
之寒藥調之而熱退結散則風自愈矣凡治此亦宜按
摩導引及以藥斡開牙關勿令口禁使粥藥得下也

按此論表裏中脉病證治至為詳盡前人所未論也

論破傷風所因不同

病機云破傷風者有因卒暴傷損風襲之間傳播經絡至使寒熱更作身體反張口禁不開甚者邪氣入臟有因諸瘡不瘥榮衛虛肌肉不生瘡眼不合風邪亦能外入於瘡為破傷風之候有諸瘡不瘥舉世皆言著灸為上是謂熱瘡而不知火熱客毒逐經諸變不可勝數微則發熱甚則生風而搐或角弓反張口禁目斜亦有破傷不灸而病此者因瘡著白痂瘡口閉塞氣難通泄故陽熱易為鬱結熱甚則生風也

按此論所因有四二者因瘡口入風似屬外因一者因灸逐熱似屬不內外因一者因瘡口閉塞內熱生風似屬內因也

謹按破傷風證古方藥論甚少豈非以此疾與中風同論故不另立條目也唯河間論傷寒表裏中三法同治用藥甚詳其言病因有因外傷於風有因灸及內熱所作者然與中風相似也但中風之人尚可淹延歲月而破傷風者犯之多致不救蓋中風有在經

在腑在臟之異獨入臟者最難治破傷風或始而出
血過多或瘡早閉合瘀血停滯俱是血受病血屬陰
五臟之所主故此風所傷始雖在表隨即必傳入臟
故多死也又此病或瘡口坦露不避風寒而無所傷
或瘡口閉合密避風邪而反病此或病已十分安全
而忽有此大抵皆由內氣虛而有鬱熱者得之若內
氣壯實而無鬱熱者雖傷而無所害也

破傷風治法

治表之劑

病機羌活防風湯治邪初在表

羌活

防風

甘草

川芎

藁本

當歸

芍藥各四兩地榆

細辛各二兩

右咬咀每五錢水煎熱服無時熱則加大黃黃芩各二兩

防風湯治破傷風同傷寒表證未傳入裏急宜服之

防風

羌活

獨活

川芎等分

右吹咀每五錢水煎服宜調蜈蚣散大效

按已上二方並三陽經藥也

蜈蚣散

蜈蚣一對

鰮三錢

右為細末用防風湯調下如表解不已覺轉入裏常服左龍丸即後江鰮丸四味是也

蜈蚣散治裏和至愈可服

蜈蚣一對 鱧五錢

左盤龍 五錢炒烟盡野鴿糞是也

右為細末每服一錢清酒調下治裏至愈可服但有裏證不可服次當下之用蜈蚣散四錢巴豆霜半錢燒飯為丸如棗豆大每服一九加至六七丸清酒調蜈蚣散少許送下宣利為度

發表雄黃散裏和至愈可服

雄黃一錢 防風二錢 草烏一錢

右為細末每服一字溫酒調下

天麻雄黃散治表

天南星 三錢 半夏

天麻 各五錢 雄黃 二錢 半

右為細末每服一錢溫酒調下如有涎加大黃為下

藥

三因防風散治風入瘡口項強牙關緊急欲死又名玉

真散

防風

天南星

炮各等分

右為末每服三錢童子小便一大盞煎七分熱服
香膠散治破傷風口禁直強

魚膠燒七分存性

右研細入麝香少許每服二錢酒調下不飲米湯下
一方以蘇木煎湯下

元戎治破傷風欲死者

川烏

南星

半夏並生

天麻去蘆各等分

右為細末每服一錢豆淋酒調下稍溫服次以酒一二盞投之

治破傷風

蝎梢七條為細末熱酒調下

按此已上八方並厥陰例藥也

治半表半裏之劑

病機羌活湯治半在表半在裏

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子 各一兩 薄荷

白芷 各半兩

右吹咀每服五錢水煎入生薑五片熱服日二三次

按此三陽經藥也

地榆防風散治破傷風半在表半在裏頭微汗身無汗不可發汗宜表裏治之

地丁草

馬齒莧

地榆

防風

各等分

右為細末每服三錢溫米湯調下

治裏之劑

病機大芎黃湯治破傷風臟腑小便赤自汗不止者

川芎

羌活

黃芩

大黃

各一兩

右咬咀五七錢水煎溫服臟腑和為度

按此三陽經藥此自汗乃裏實也如陽明病汗多急下之
江鯽丸治破傷風驚而發搐臟腑秘澀知病在裏可用
此下之

江鰮剉燒半兩 野鴿糞半兩炒 雄黃一錢

白殭蠶半兩 蜈蚣一對炙 天麻一兩

只用前四味名左龍丸

右為細末分作三分將二分燒飯為丸桐子大硃砂為衣將一分入巴豆霜一錢用和亦以燒飯為丸如桐子大不用硃砂為衣每服硃砂為衣二十九入巴豆藥一九第二服二九加至利為度再服硃砂為衣藥病愈即止

按此厥陰例藥也

治汗之劑

病機白朮防風湯治服發表藥過有自汗者

白朮

黃芪 各一兩 防風 二兩

石呖咀每服五七錢水煎溫服無時臟腑和而自汗者可服此藥若臟腑秘小便赤自汗者無寒也宜速下之用大芎黃湯

按此手少陽足陽明太陰太陽經藥也

白朮湯治破傷風大汗不止筋攣搐搦

白朮

葛根 各一兩 升麻

黃芩 各半兩

芍藥 二兩

甘草 二錢半

右咬咀每服一錢水煎溫服無時

按此陽明太陰經藥也

理血之劑

養血當歸地黃散治病日久氣血漸虛邪氣入胃養血

為度

當歸

地黃

芍藥

川芎

藁本

防風

白芷各一兩細辛

右咬咀水煎服

按此厥陰四物例藥也

雜方

如聖散

方見中風門

一方本藥內加兩頭尖二兩

玉機微義卷四十二

欽定四庫全書

玉機微義卷四十三

明 徐用誠 原輯

劉 純 續增

損傷門

叙墮墜為病

內經云人有所墮墜惡血留內腹中脹滿不得前後先
飲利藥此上傷厥陰之脉下傷少陰之絡刺足內踝下
然骨之前出血刺足肘上動脉不已刺三毛各一痛見

血立已左刺右右刺左

靈樞云有所墮墜惡血留於內若有所大怒氣上而不下積於脇下則傷肝又中風及有所擊打若醉入房汗出當風則傷脾又頭痛不可取於脰者有所擊墮惡血惡血在於內若內傷痛不已可側刺不可遠取之也

按發明經云夫從高墜下惡血留於內不分十二經絡聖人俱作風中肝經留於脇下以中風療之血者皆肝之所主惡血必歸於肝不問何經之傷必留於

脇下蓋肝主血故也痛甚則必有自汗但人汗出皆為風證諸痛皆屬於肝木況敗血凝澁從其所屬入於肝也從高墮下逆其所行之血氣非肝而何以破血行經藥治之

傷損脈法

內經云肝脈搏堅而長色不青當病墮若搏因血在脇下令人嘔逆

金匱云寸口脈浮微而澁然當亡血若汗出設不汗出

者當身有瘡被刀斧所傷亡血故也

脉經云金瘡出血太多其脉虛細者生數實大者死

金瘡出血脉沉小者生浮大者死

砍瘡出血一二石脉來大者二十日死

砍刺出血不止者其脉止脉來大者七日死滑細者
生

從高顙仆內有血腹脹滿其脉堅強者生小弱者死
按破傷有瘀血在內脉堅強實則生虛小弱者死若

亡血過多脉虛細小者生浮大數實者死皆為脉病
不相應故也

論傷損宜下

子和云諸落馬墜井打撲傷損閃肭損折杖瘡腫發焮
痛不止者可峻下二三十行痛止腫消宜以通經散導
水丸等藥或加湯劑瀉之後服和血消腫散毒之藥

按子和於墮車落馬杖瘡閃肭者俱用峻下其有心
恙牙關禁急者云是驚涎堵塞於上俱用三聖散先

吐後下其法雖峻然果有驚延瘀血停留於內焮痛
腫脹發於外者亦奏捷功但於出血過多老弱之人
脉虛大者亦當求責

謹按打撲金刃損傷是不因氣動而病生於外外受
有形之物所傷乃血肉筋骨受病非如六淫七情為
病有在氣在血之分也所以損傷一證專從血論但
須分其有瘀血停積而亡血過多之證蓋打撲墜墮
皮不破而內損者必有瘀血若金刃傷皮出血或致

亡血過多二者不可同法而治有瘀血者宜攻利之
若亡血者兼補而行之又察其所傷有上下輕重淺
深之異經絡氣血多少之殊唯宜先逐瘀血通經絡
和血止痛然後調氣養血補益胃氣無不效也頃見
圍城中軍士被傷不問頭面手足胸背輕重醫者例
以大黃等藥利之後大黃缺少甚者遂以巴豆代之
以為不於初時瀉去毒氣後則多致危殆至於畧傷
手指亦悉以藥利之殊不知大黃之藥惟與有瘀血

者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大醫者不察又以為瘀血未盡而後下之因而夭折人命可不慎歟

損傷治法

攻下瘀血之劑

金匱治馬墜及一切筋骨損方

大黃 一兩切浸成湯下 緋帛 如手大燒灰

亂髮 如雞子大燒灰 炊單布 一尺燒灰

敗蒲 一把三寸 桃仁 四十九箇去皮尖熬

甘草 如中指節炙剉

右七味以童子小便量多少煎湯成內酒一大盞次
下大黃去滓分溫三服先剉敗蒲席半領煎湯浴衣
被處斯須通利數行痛楚立差

發明復元活血湯治從高墮下惡血留於脇下疼痛不

可忍

柴胡五錢 當歸六錢 甘草二錢

穿山甲炮二錢 大黃酒浸一兩

桃仁去皮尖五十箇紅花 瓜蒌根各二錢

右件桃仁研爛餘藥剉如麻豆大每服一兩水二盞半酒半盞煎至七分去滓食前大溫服以利為度得利後痛或不盡服乳香神應散靈樞云墜墮惡血留於脇下則傷肝肝膽之經行於脇下屬厥陰少陽宜

以柴胡為引用為君以當歸活血脉又急者痛也以甘草緩其急亦能生新血陽生陰長故也為臣穿山甲瓜蒌根桃仁紅花破血潤血為之佐大黃酒製以蕩滌敗血為之使

當歸導氣散治損傷瘀血大便不通紅腫暗青疼痛昏悶畜血內壅欲死

大黃一兩 當歸三錢 麝香少許

右三味除麝香另研外為極細末入麝香合勻每服

三錢熱酒一盞調下食前內瘀血去或骨節傷折疼痛接骨紫金丹治之

三因雞鳴散治從高墜下及木石所壓凡是損傷瘀血凝滯疼痛欲死兼以此藥推陳致新神效

大黃一兩酒浸 杏仁三七粒去皮尖

右研細酒一碗煎至六分去滓雞鳴時服至晚取下瘀血即愈若便覺氣絕取藥不及急辟開口以熱小便嚥之

按已上四方雖皆蕩逐惡血之藥前三方所以治血
在肝經血分者也後一方所以治血在肺經氣分者
也當以脉之浮沉表裏別之又海藏云若登高墜下
撞打及傷心腹胸中積血不散以上中下三焦部分
分之以易老犀角地黄湯桃仁承氣抵當湯丸之類
下之亦有以小便同煎治之者更有內加生地黃當
歸煎服者亦有加大黃者惟智者能擇之

破血止痛行經之劑

秘藏破血散治乘馬損傷跌其脊骨惡血流於脇下
其痛苦楚不能轉側

羌活

防風

桂 各一錢

柴胡

連翹

當歸稍

水蛭 炒烟盡研各二錢

麝香

少許另研

一方有蘇木一錢半

右件分作二服每服二大盞酒水一盞除水蛭麝香外另研
如泥煎餘藥一大盞去滓上火令稍熱調二味飢服之
按此太陽陽明少陽經藥也

地龍散治腰脊痛或打撲損傷從高墮下惡血留在太陽經中令人腰脊或脛腓臂腰中痛不可忍

中桂

地龍 各四分 黃柏

甘草 各一錢

羌活 二錢

蘇木 六分

麻黃 半錢 桃仁 六箇

當歸梢 一分

右吹咀每服五錢水二盞煎一盞去滓溫服

按此足太陽經藥也

發明乳香神應散治從高墮下疼痛不可忍及腹中疼

痛

雄黑豆

桑白皮

乳香

沒藥

獨科栗子 各一兩

破故紙 炒二兩

右為末每服五錢醋一盞沙石器內煎至六分入麝香少許溫服寶鑑有當歸一兩水蛭炒半兩

聖靈丹治一切打撲折傷疼痛不可忍者

乳香 五錢

烏梅 去核五箇 白米 一搥 秘藏作粟

萬葵子 一盞炒黃二兩八錢

右為細末煉蜜九彈子大每服一九細嚼熱酒送下
一伏時痛不止再服

按此二方少陰經藥也

三因加味芎藭湯治打傷敗血入胃嘔吐黑血

川芎

當歸

白芍

百合浸半日 荆芥穗各等分

右剉每服四錢水酒各半煎

元戎加味四物湯治虛人損傷不禁下之者

四物湯加穿山甲煎服

按已上二方厥陰例藥通前六方皆溫平之劑

局方花萼石散治金刃傷及打撲損傷貓狗咬傷或至死者急於傷處擦藥其血化為黃水如內損血入臟腑煎童子小便入酒少許調一錢服之立效

婦人產後惡血奔心胎衣不下以小便調一錢取下惡物立效

硫黃 明淨者四兩

花萼石 一斤

右二味粗末拌令勻用紙筋和膠泥固濟瓦罐子一箇入藥在內密泥封口了焙乾安在四方磚上上畫八卦五行字用炭一秤圍燒自己午時從下生火直至經宿火盡又經宿已冷取研極細磁盒內盛

按此厥陰硫黃例藥也海藏云有用此藥以童便煎服或酒調服之者與寒藥正分陰陽不可不辨也

補損當歸散治墜馬落車傷脫折臂疼痛服此藥疼痛即止筋骨即當相連

澤蘭炒

附子炮各一錢

當歸炒

甘草炙

蜀椒炒

桂心各五分
芎藭炒六分

右為細末每服二錢溫酒調服日三忌生葱豬肉冷

水生菓

按此少陰厥陰經藥也已上二方皆溫熱之劑

接骨之劑

發明紫金丹定痛接骨

川烏炮

草烏炮各一兩
靈脂去土半錢

木鱉子

去殼

黑牽牛

生

骨碎補

威靈仙

金毛狗脊

防風

自然銅

淬七次

地龍

去土

烏藥

青皮

陳皮

茴香

各半錢

禹餘糧

淬四兩

沒藥

紅藥子

麝香

各二錢半

右細末醋糊為丸如梧子大每服十九至二十九溫酒送下病上食後病下食前

元戎接骨丹

沒藥

乳香

當歸

川椒

自然銅

醋淬

赤芍

骨碎補

炙

敗龜

炙

虎骨

白芷

各等分

千金藤

郁李仁是也各

等分

又方加龍骨川芎

右細末化蠟半兩丸如彈子大每服一九好酒半升
化開煎用東南柳枝攪散熱服

經驗方治打攞折骨損斷服此藥自頂心尋病至下遇
受病處則颯颯有聲覺藥力習習往來則愈

自然銅

煅醋淬七次一兩

川烏 去皮尖 松明節

乳香

血竭 三錢

龍骨 半兩生 地龍 半兩

水蛭

炒半兩

沒藥

蘇木

降真香

土狗

十箇油浸焙乾

右為末每服五錢無灰酒調下病在上食後在下食前

按已上三方並出少陰折傷例藥也其用毒藥以行諸經亦是瘀血已去者方可用丹溪云世以自然銅

為接骨藥然此等方儘多大抵在補氣補血補土俗
工惟在速効以罔利迎合病人之意而銅非煅不可
服若新出火者其火毒金毒相扇挾香挾藥毒雖有
接傷之功而燥散之禍甚於刀劒戒之

雜方

機要刀箭藥止血定痛沒藥散

定粉

風化灰

各一兩

乳香

半錢另研

枯礬

三錢另研

沒藥

一字另研

右件各研為細末同和勻再研揅用之

本事地黃散治金瘡止血除疼痛辟風續筋骨生肌肉

地黃苗

地松

青蒿

蒼耳苗

生艾汁三合 赤芍各五兩入水取汁

石灰三分

右五月五七月七午時修合以前藥汁拌石灰陰乾
入黃丹三兩更杵羅細凡金瘡出血用藥封包不可
動十日差無膿腫

經驗方治打撲損筋傷骨折呂顯謨傳

黃栢一兩 半夏半兩

右為細末每用半兩生薑自然汁調如稀糊傅用紙
花貼如乾再傅骨折先以絹帛封縛次用沙木扎定
良久痛止即痒覺熱乃是血活筋骨復舊輕者三五
日重者不過旬月

又方治打撲損腫痛不止

生薑自然汁米醋牛皮膠同熬溶入馬屁勃末不
以多少調如膏以紙攤傅腫處

治刀傷斧斫

五倍子一味為末乾貼神效

桑葉陰乾為末乾貼如無旋熨乾末貼之妙

玉機微義卷四十三

欽定四庫全書

玉機微義卷四十四

明 徐用誠 原輯

劉 純 續增

癰疹門

論癰疹證治

潔古云癰疹之病其為證各異瘡發焮腫於外者屬少陽三焦相火也謂之癰小紅靨行皮膚之中不出者屬少陰君火也謂之疹凡顯癰證若自吐瀉者慎勿亂治

而多吉謂邪氣上下皆出也。癰疹並出小兒難禁，是以別生他證也。首尾不可下，大抵安裏之藥多發表之藥少，秘則微疎之，令邪氣不壅併而能作番次，使兒易禁也。身溫煖者順，身涼者逆。

按此是例陽證發癰，宜與小兒門癰論兼看證治。

論傷寒發癰有陰陽不同

略例曰：陽證發癰有四，有傷寒發癰，有時氣發癰，有熱病發癰，有溫毒發癰。班班如錦文，或發之面部，或發之

胸背或發之四末色紅赤者胃熱也紫黑為胃爛也一則下之早一則下之晚乃外感熱病而發癰也當服玄參升麻白虎等藥

謹按四氣發癰溫毒為至重暑證亦發癰固有輕重之殊見面部者傳手經也難知云戊助少陰心火入于手太陰肺也背多者足太陽胸屬足陽明四末屬脾與心也

陰證發癰亦出背胸又出手足亦稀少而微紅若作熱

證投之涼劑大悞矣此無根失守之火聚於胸中上獨
熏肺傳於皮膚而為斑點但如蚊蚋蚤虱咬形狀而非
錦文也調中溫胃加以茴香芍藥以大建中之類其火
自下癍自退可謂治本而不治標也

謹按癍證固有陰陽輕重之現證矣陽證大率用托
裏清熱化癍涼血陰證止用調中溫胃其癍自消病
體自定非若瘡成膿疱也雖輕重俱從火化大抵急
則治標緩則治本

論中寒發痧

畧例云完顏小將軍病寒熱間作有痧三五點鼻中微
血出兩手脈沉瀉胸膈四肢按之殊無大熱此內傷寒
也問之因暑卧殿角傷風又渴飲冰酪水此外感者輕
內傷者重從內病俱為陰也故先痧後顯內陰寒熱
間作脾亦有之非往來少陽之寒熱也與調中湯數服
而愈

論傷寒治誤發痧

陳無擇云傷寒發癰者蓋不當下而下之熱則乘虛入胃當下而失下則胃熱不得泄二者皆能發癰其狀如錦繡赤者易治黑者難治蓋熱毒入胃深也

按此謂癰主於胃因下早下晚之失而生至如陽證誤用熱劑而發癰或溫毒便發癰者皆宜從脈求其本也仲景云寸脈浮滑者可用瓜蒂散吐之是熱毒蘊於胸膈也又非在胃及虛火之比大抵黑者熱極亢則害承乃制也

論癰疹

陳無擇云世醫論癰疹無不謂是皮膚間風然既分冷熱冷熱即寒暑之證又有因浴出湊風冷而得之者豈非溫也則知四氣脩矣經分諸瘡實熱則痛虛寒則痒又陽明主肌肉屬胃與大腸亦有冷熱分痛痒不可不審世人呼白者為婆膜赤者為血風名義混殽當以理曉察內外隨證治之

謹按癰疹多屬脾隱隱然在皮膚之間故言癰疹也

發則多痒或不仁者是蕪風蕪濕之殊色紅者蕪火
化也

癰疹治法

升散之劑

元戎葛根橘皮湯治癰在肌 冬溫始發肌中癰爛欬
而心悶但嘔清汁

葛根

橘皮

杏仁

知母

黃芩

麻黃

甘草

右等分水煎服

按此足陽明太陽藥也

陽毒升麻湯癰在面傷寒一二日或吐下後變成陽毒

腰背痛煩悶不安面赤狂言見鬼下痢脈浮大咽痛

升麻

五錢

犀角

射干

黃芩

人參

甘草

各二錢半

右咬咀水煎取飲半盞刻許再進溫覆手足得汗出

解

玄參升麻湯癰在身治汗下吐後毒不散表虛裏實發於外甚則煩躁譫妄

玄參

升麻

甘草 等分

右咬咀水煎服

按已上足陽明藥也

陽毒梔子湯治傷寒壯熱百節疼痛而發癰

升麻

梔子仁

黃芩

芍藥

石膏

知母

杏仁

柴胡

甘草

右粗末每五錢入薑五片豉百粒煎服

按此足陽明少陽藥也

消毒犀角飲子治癰及癰疹

牛蒡子

六錢

荊芥

防風 各二錢

甘草 一錢

右㕮咀水煎

按此手太陰藥也

解毒防風湯治癰及癰疹痒痛

防風 一兩

地骨皮

黃芪

芍藥

荊芥

枳殼

牛蒡子

各半兩

右為粗末每四五錢水煎服

按此手足太陰藥也已上諸方本於陽證者宜選用之

升麻葛根湯

陰毒升麻鱉甲湯治陰癰

升麻 三兩

當歸

甘草

各二兩

蜀椒

一兩

鱉甲

炙

雄黃

半兩研

右為末每服五錢水煎服

按此

關

三因加味羌活散治感四時所傳肌膚發為癰疹增寒壯熱

羌活

前胡 各一兩

人參

桔梗

甘草

枳殼

川芎

天麻

茯苓

各半兩
蟬蛻

薄荷

各三錢

右咬咀搗為末每服二大錢薑三片煎服

按此足太陽手太陰少陰藥也

調中湯治內傷外感而發陰癰

蒼朮

一錢半陳皮一錢

砂仁

藿香

芍藥

炒

甘草

炙

桔梗

半夏

白芷

羌活

枳殼各一錢川芎半錢

麻黃

桂枝

各半錢

右咬咀薑三片水煎服

按此足太陽太陰手陽明太陰藥也已上諸方本於陰證者宜選用之

和解之劑

化癰湯治傷寒汗吐下後癰發脈虛

白虎湯加人參守真類粹再加白朮

右咬咀時時煎服之

下劑

當歸丸治傷寒癰見無大熱脈虛秘悶

當歸

半兩

甘草

一分

黃連

大黃

各二錢半

右先將當歸熬膏子入藥末三味為丸漸加至利為

度

涼血之劑

黑膏治溫毒發癰

生地黃

半斤

好豉

一升

右二味以猪膏二斤合煎之至濃汁用雄黃麝香如

大豆大內中攪和每服用彈子大湯化服未效再服之

大青四物湯

大青

四兩

阿膠

甘草

各一兩

豉八合

右㕮咀每服五錢水煎服之

玉機微義卷四十四

欽定四庫全書

玉機微義卷四十五

明 徐用誠 原輯

劉 純 續增

黃疸門

發黃附

諸經叙黃疸脈證

內經曰溺黃赤安卧者黃疸

要略曰寸口脈浮而緩浮則為風緩則為痺痺非中風
四肢苦煩脾色必黃瘀熱以行 尺脈浮為傷腎跌陽

脈緊為傷脾風寒相搏食穀即眩穀食不消胃中苦濁
濁氣下流小便不通陰被其寒熱流膀胱身體盡黃名
曰穀疸 額上黑微汗出手足中熱薄暮即發膀胱急
小便不利名曰女勞疸 腹如水狀心中懊懣而熱不
能食時欲吐名曰酒疸多不治

脈經曰脈沈渴欲飲水小便不利者皆發黃凡黃候其
寸口脈近掌無脈口鼻冷並不可治

論五疸

陳無擇云古方叙五種黃者其實一病立名異耳如黃汗者以胃為脾表屬陽明陽明蓄熱喜自汗汗出因入水中熱必鬱故汗黃也其後身體腫發熱不渴狀如風水汗出染衣色正黃如栢汗

黃疸者由暴熱用冷水洗浴熱留胃中所致其候身面眼悉黃如金色小便如煮藥汁

穀疸者夫由肌發熱大食傷胃氣衝鬱所致其候食則腹滿眩暈穀氣不消

云云見前

酒疸由大醉當風入水所致唯酒變證最多熱毒流於清氣道中則眼黃鼻雖

女勞疸由大熱交接竟入水水流濕入於脾因腎氣虛甚以所勝尅入致腎氣上行故有額黑身黃之證其間兼渴與腹脹者並難治發於陰必嘔發於陽則振寒面微熱雖本於胃氣鬱發土色上行然發於脾則為內疸發於腎則為黑疸若所論因外則風寒暑濕內則喜怒憂驚酒食房勞三因悉備世醫獨嚴於傷寒論中不亦

濫矣

按已上五疸與前要略所具不同宜兼考之陳氏治
例未能以盡其變推其病體究治大抵已上五疸形
證已具無所隱兼證者黃汗黃疸穀疸誠以元氣脾
胃之氣為主而治之形氣穀氣稍實者則可得而復
矣酒疸則元氣胃氣殊已傷甚形氣孤危穀氣與藥
雜進能有斷厚味而守藥得復生者則幾希矣女勞
疸則陰陽之氣虛竭甚者為難治陳云世醫獨嚴於

傷寒而不及此此則亦非傷寒家法所可髣髴施也
論傷寒陽證發黃

保命集云凡發黃有六有畜血發黃邪熱傳於太陽之本小便先淋而黃其人暴狂內有血也為太陽發黃本病也濕熱發黃太陰併陽明之本為小便不利風濕熱發黃併少陽也寒濕發黃太陰併少陽也結胸發黃下之早附太陽也痞氣發黃附太陰也凡六者各隨脈證標本而治之大抵發黃從太陰陽明而論脾胃皆土也

故見黃色當從其脾病色黃土氣化濕非濕毒何能發黃也

論陰證發黃

韓祗和云病人三五日服下藥太過虛其脾胃亡其津液渴飲水漿脾土為陰濕加之與邪熱相會發黃此陰黃也當以溫藥治之如兩手脈沈細遲肢體逆冷皮膚有粟起或嘔吐舌上有胎遍身發黃煩躁欲於泥水中卧小便赤少皆陰候也故陰黃多以熱湯溫之或湯漬

布搭其胸腹或以湯盛瓢中坐於臍下熨之其病愈者
曾治趙顯宗病傷寒至六七日因服下藥太過致發黃
其脈沈細遲無力皮膚涼發躁欲於泥中卧喘嘔小便
赤澀先投茵陳橘皮湯喘嘔止次服小茵陳湯半劑脈
微出不欲於泥中卧次日又服茵陳附子湯半劑四肢
發熱小便二三升當日中大汗而愈似此治愈者不一
一錄凡傷寒病黃每遇太陽或太陰司天歲若下之太
過往往變成陰黃蓋辰戌太陽寒水司天水來犯土丑

未太陰濕土司天土氣不足即脾胃虛弱亦水來侵犯
多變此證也

按已上論傷寒陰陽二證發黃殆無餘蘊大抵本形
氣虛實受證不同用藥有汗下溫之禁非若雜病之
比也我丹溪先生謂發黃如鶩麴相似濕熱有微甚
及兼熱兼寒瘀血所因不同故治例不可不分

論內傷發黃

略例云內感傷寒勞役形體飲食失節中州變寒之病

生黃非傷寒壞之而得只用建中理中大建中足矣不必用茵陳也

按此言內傷不足故宜補益惟其有餘新病必須消導之久病從穀疸施治可也

論發黃治例

難知云色如熏黃乃濕病也一身盡痛 色如橘子黃乃黃病也一身不痛 乾黃燥也小便自利四肢不沈重渴而引飲者梔子蘗皮湯 濕黃脾也小便不利四

肢沈重似渴不欲飲者大茵陳湯 若大便自利而黃者茵陳梔子黃連三物湯往來寒熱一身盡黃者小柴胡加梔子湯

按一身盡痛而黃者濕勝在表也不痛者病在裏也乾燥者熱勝也故後證皆有表裏之分殊東垣云傷寒當汗不汗即生黃邪在表者宜急汗之在裏之裏宜滲利之在半表裏宜和解之在裏者宜急下之若已上諸證及略例云男黃小便自利當與虛勞小建

中湯若黃色不變欲自利腹滿而喘不可除熱除熱必噦小半夏湯皆不必拘於茵陳也

黃疸治法

升散之劑

金匱桂枝加黃芪湯治黃汗身腫汗出出已輒輕輕久必身潤胸中痛腰以下無汗腰腕弛痛如有物在皮中劇者不能食煩躁小便不利

桂枝

芍藥各三錢 甘草二錢

黃芪五錢

右水煎入薑棗服後仍飲熱粥助藥力

麻黃連翹赤小豆湯治身熱不去瘀熱在裏發黃小便

微利

麻黃

連翹

各一兩

赤小豆

右㕮咀作一服水煎

局方茵陳五苓散治傷寒或伏暑發黃小便不利煩渴

本方五分加茵陳一分

韓氏茵陳茯苓湯治發黃脈沈細數四肢冷小便瀉煩

躁而渴

茯苓

桂枝

猪苓 各一兩
滑石 二兩半

茵陳 一兩

右為末每服半兩水煎服如脈未出加當歸
按已上方並太陽例藥也

攻下之劑

金匱梔子大黃湯治酒疸心中懊懣或熱痛

梔子

十四枚

大黃

一兩

枳實

五枚

豉

一升

右水煎至二升分溫三服

大黃硝石湯治黃疸腹滿小便不利而赤自汗此表和裏實

大黃

黃栢

硝石 各四兩

梔子 十五枚

右水煎服如前法

硝石礬石散治女勞疸身黃額黑日晡發熱惡寒膀胱急小腹滿足下熱因作黑疸其腹滿如水狀大便必

黑時溲此女勞之病非水也

硝石

礬石

各燒等分

石二味為散以大麥粥汁和服二錢曰三重衣覆取汗隨大小便去小便黃大便黑是其候也

半夏湯治酒疸身黃無熱言了了腹滿欲嘔心煩足熱或癥瘕心中懊懷其脈沈弦或緊細

半夏

茯苓

白朮

各三兩

前胡

枳殼

炒

甘草

大戟

炒各二兩

黃芩

茵陳

當歸

各一兩

右㕮咀每服四錢水煎入薑三片空心服

茵陳蒿湯治身熱鼻乾汗出陽上奔小便赤而不利濕熱發黃

茵陳蒿

六兩

梔子

十四箇

大黃

二兩

右三味每服一兩半水煎服

難知茵陳大黃湯治傷寒大熱發黃面目悉黃小便赤

茵陳蒿

梔子

柴胡

柏皮

黃芩

升麻

大黃

炒各一兩

龍膽草

半兩

石為粗末每服五錢水煎服

抵當湯治太陽傷寒頭痛身熱法當汗解反利小便熱
瘀在內則身黃脈沈少腹硬小便自利其人如狂者
下焦有血也宜此湯主之

水蛭

蝨虫各十箇

大黃一兩

桃仁

十二箇

右剉作一服水煎食前服

按已上並陽明經藥也抵當湯厥陰藥輕者桃仁承氣湯主之

和解之劑

小柴胡加梔子湯

按此手太陰足少陽藥也

治熱和中之劑

梔子柏皮湯治身熱不去大便利而煩熱身黃者

梔子

柏皮

黃連 各等分

右咬咀每服一兩水煎服

寶鑑茯苓滲濕湯治黃疸寒熱嘔吐而渴欲飲冷身體

面目黃小便不利不得安卧不思食

白茯苓

五分 澤瀉 三分

茵陳 六分

猪苓 二錢

生黃芩

黃連

梔子

防己

白朮

蒼朮

陳皮

青皮

枳實

各二分

右咬咀作一服水煎空心服酒疸兼作九子服之
按此並太陽例藥

溫中之劑

金匱小半夏湯治黃疸小便色不異欲利腹滿而喘

半夏湯泡七次

右咬咀每服三五錢水煎入薑十片

韓氏茵陳橘皮湯治身黃脈沈細數熱而手足寒喘嘔
煩躁不渴者

茵陳

橘皮

生薑

各一兩

白朮一分

半夏

茯苓

各半兩

右為末水四升煮取二升放溫分作四服

按此並足陽明太陰藥也

小茵陳湯治發黃脈沈細遲四肢及遍身冷

附子 一箇八片

甘草 炙一兩 茵陳 二兩

右為粗末用水二升煮一升溫作三服

茵陳四逆湯治發黃脈沈細遲肢體逆冷腰已上自汗

甘草

炙一兩 乾薑 炮一兩半

附子 一箇作八片

茵陳 二兩

右為粗末分作四貼水煎服

茵陳附子湯治服四逆湯身冷汗不止者

附子 二箇各作八片

乾薑 炮二兩半

茵陳 一兩半

右為粗末水煎分作三服

按已上並少陰經藥也

茵陳茱萸湯治服茵陳附子湯證未退及脈伏者

吳茱萸

一兩

當歸

三分

附子

二箇作八片

木通

一兩

乾薑

炮

茵陳

各一兩半

右為粗末分作二服水煎

按此足少陰厥陰藥也

吐下之劑

三因苦參散治濕熱內甚小便赤澀大便時秘食飲不妨服諸藥不除因為久黃

苦參

黃連

瓜蒂

黃柏

大黃

各一分 葶藶 半兩

右為末每服一大錢飲調下當吐利隨時消息加減與之服

按此出太陽陽明例藥也

調理之劑

當歸白朮湯治酒疸發黃結飲癖在心胸間堅滿骨肉沈重逆害飲食小便赤黃此因內虛飲食生冷脾胃

痰結所致其脈弦濇

白朮

茯苓 各三兩

當歸

黃芩

茵陳

各一兩

前胡

枳實

炒

甘草

炙

杏仁

炒 各二兩

半夏

一兩半

右咬咀每服四五錢入薑煎

小建中湯

養榮湯治五疸腳弱心忪口淡耳鳴微寒發熱氣急小便白濁當作虛勞治之

方並見虛損門

消食之劑

三因紅丸子治穀疸發黃

方見霍亂門用生薑甘草湯下

寶鑑棗礬丸治食勞目黃身黃者

皂礬不以多少沙鍋內木炭燒通紅赤用米醋內點之

右為末棗肉丸桐子大每服二三十丸食後用生薑

湯下

取黃水法

瓜蒂散

瓜蒂

二錢

母丁香

一錢

黍米

四十九箇

赤小豆

半錢

右為極細末每夜於鼻內嚙之取下黃水內服涼劑
三因如神散治酒毒不散發黃久久浸漬流入清氣道
中宜此內鼻中取黃水

苦瓠子

去皮

苦葫蘆子

去皮

三七箇


黃黍米

三百粒

安息香

二皂子大

右為末以一字搐入鼻中滴出黃水一升忌勿吹吹
或過多即以黍穰燒灰麝香末各少許吹鼻內立止



玉機微義卷四十五

欽定四庫全書

子部

玉機微義卷四十六至

詳校官太醫院恩種臣表天錫

編修臣倉聖脈覆勘

總校官知縣臣繆琪

校對官中書臣宋枋遠

謄錄監生臣王宮

欽定四庫全書

王機微義卷四十六

徐用誠 原輯

劉 純 續增

霍亂門

內經叙霍亂所因

經曰歲土不及風乃大行
云民病飧泄霍亂體重腹

痛筋骨繇併

按此言土運不及木乃太過木乘土而為病宜詳玩

本文

論霍亂脈證

內經曰脈伏者霍亂

傷寒論曰病嘔吐而利名曰霍亂或發熱頭痛身疼惡寒吐利或自吐下又利止復更發熱也皆是霍亂證傷寒其脈微澁者本是霍亂今是傷寒却四五日至陰經上轉入陰必利本嘔下利者不可治也

保命集云傷寒霍亂轉筋身熱脈長陽明本病也脾胃

受濕熱中焦氣滯或因冷飲或傷冷水或感濕氣冷熱不調水火相干陰陽相搏上下相離榮衛不能相維故轉筋攣痛經絡亂行暴熱吐瀉中焦胃氣所主也

謹按傷寒傳變為霍亂者殊少惟夏秋之間暄熱人腠理疎感風濕暍之氣而生此證多有陰陽虛實不同脈來浮洪者可治微而遲氣少不語者為難治

論霍亂分三因

陳無擇曰霍亂者心腹卒痛嘔吐下利增寒壯熱頭痛

眩暈先心痛則先吐先腹痛則先利心腹俱痛吐利並
作甚則轉筋入腹則斃霍亂惡證無越於斯蓋陰陽反
戾清濁相干陽氣暴升陰氣頓墜陰陽痞隔上下奔逆
治之惟宜溫煖更詳別三因以調之外因諸風則惡風
有汗傷寒則惡寒無汗胃濕則重著傷暑則熱煩內因
九氣所致鬱聚痰涎飲痞膈不通遂致滿悶隨其勝復
必作吐利或諸飽食膾炙恣飧乳酪冰脯寒漿膏酒胃
既臌脹脾臟停凝必內鬱發遂成吐利當從不內外因

也

按此具霍亂三因稍備但立方未能以盡其變學者
自宜推格

論霍亂轉筋

陳氏曰轉筋者以陽明養宗筋屬胃與大腸今暴吐下
津液頓亡外感四氣內積七情飲食甜膩攻閉諸脈枯
削於筋宗筋失養必致攣縮甚則卵縮舌卷為難治

按此言霍亂者多轉筋大抵冷熱不調陰陽相搏故

筋攣痛甚者遍體轉筋此實陰陽之氣反戾風寒乘之筋失氣血所榮而為攣縮急痛也

論乾霍亂

陳氏曰乾霍亂者忽然心腹脹滿絞刺疼痛蠱毒煩冤欲吐不吐欲利不利狀若神靈所附頃刻之間便致悶絕亦涉三因或臟虛或腸胃素厚故吐利不行

按此謂人腸胃素厚形氣實者故感四氣則吐利不行而乾揮霍撩亂也大抵熱勝痰鬱則悶亂濕勝飲

鬱則吐下形氣虛者禍不旋踵嚴氏謂胃中諸食結而不消陰陽二氣擁而反戾揮霍之間變成吐利然飲食致者亦有有餘不足如飲食自倍外感濕暵而乾霍亂者宜吐之或下之過傷者宜消導之痰者劫之寒者溫之熱者清之要在適事為故也

論霍亂煩渴

陳氏曰煩渴者以陰陽反戾清濁相干水與穀併小便秘澁既走津液腎必枯燥引水自救煩渴必矣

按吐利必竭況腎水竭者乎與水者唯宜溫煖熱甚者天水輩以甘緩火也

霍亂治例

保命集云霍亂陽明證宜和中平胃建中輩或四君子湯脈浮自汗四君子加桂主之脈浮無汗四君子加麻黃吐利轉筋脇下痛脈弦者木剋土也故痛甚平胃加木瓜五錢或建中加柴胡木瓜吐利轉筋腹中痛體重脈沈而細者四君子加白芍良薑吐利四肢拘

急脈沈而遲此少陰霍亂四君子加薑附厚朴 吐利
四肢厥冷脈微緩屬厥陰建中加歸附 吐利頭痛而
身熱熱多欲飲水者五苓寒多不用水者理中丸主之
元戎云太陰證霍亂者理中加橘紅名治中湯 若吐
下心腹作痛手足逆冷理中去白朮加熟附名四順湯
若吐利後轉筋者理中加大煨石膏一兩

霍亂治法

和中之劑

四君子湯

平胃散

建中湯並治證見前

方見虛損門

治寒之劑

機要漿水散治暴泄如水周身汗出盡冷脈弱不能語
言甚者加吐

半夏 二錢

附子

乾生薑

炙甘草

桂 各半錢

良薑 三分半

右為末作一服漿水煎服之

薑附湯治霍亂轉筋手足厥冷汗嘔逆多

乾薑 一兩

附子 一箇生用

通脈四逆湯治霍亂多寒身冷脈絕

吳茱萸 三兩炒

附子 炮一兩桂心

通草

細辛

白芍

甘草 炙各半兩

當歸 三錢

右咬咀每服四錢水酒各半加生薑煎

理中湯治過食生冷遂成霍亂吐下脹滿食不消心腹
痛

方見寒門加橘皮名橘皮治中湯

嚴氏曰若臍上築動者腎氣動也去朮加桂吐多者
去朮加生薑半夏利多者仍用朮心悸者加茯苓腹
痛者加乾薑腹滿者去朮加附子厚朴

治濕之劑

三因茯苓澤瀉湯治霍亂吐利後煩渴飲水

五苓減猪苓加甘草

按此太陽例藥也

治暑之劑

局方五苓散治霍亂頭痛吐下煩渴

方見濕門

嚴氏水浸丹治伏暑傷冷冷熱不調口乾煩渴

黃丹 一兩一分炒

巴豆 二十五箇去皮心

右同研勻用黃蠟作汁為丸如梧子大每服五丸以水浸少頃別以新汲水吞下

按此劫劑也

加味香薷飲治伏暑吐利不止煩悶多渴

本方加檳榔 黃連

右咬咀每服五錢水酒各半煎服

冷香飲子治伏暑吐利煩燥

草菓仁 三兩 附子

橘紅 各一兩 甘草 半兩

右呖咀每服一兩入薑煎水旋冷服

按已上並太陽例藥也有寒熱陰陽不同要在脉證相符而行也

溫經之劑

三因木瓜湯治霍亂吐下舉體轉筋入腹則悶絕

乾木瓜 一兩 吳茱萸 半兩 茴香

炙甘草 各二錢

右呖咀每服四大錢入薑三片蘇葉十片煎

按此陽明例藥也大抵轉筋亦有所兼之證不同用者自宜推格

墜痰溫補之劑

三因胃氣丸治憂思過度脾氣閉聚結痰飲留滯腸胃氣鬱於陰凝之於陽陰陽反戾吐利交作四肢厥冷頭目暈眩或復發熱

硫黃

不以多少入猪臟內縛定頭米泔酒童便各一碗煮乾一半取出洗去穢晒乾秤十兩用

半夏

洗去滑五兩

人參

白茯苓

各一兩

石膏

右為末生薑汁浸炊餅為丸每五十九至百九空心食前米湯下

理氣溫中之劑

三因七氣湯治七氣發鬱致臟氣刑剋陰陽反戾變成吐利交作寒熱眩暈痞滿咽塞

半夏

五錢

厚朴

桂心

各三錢

茯苓

白芍

紫蘇

橘皮

各二錢

人參

一錢

右咬咀每服四五錢入薑棗煎

訶子散治心脾冷痛霍亂吐利如神

訶子

甘草

炙

厚朴

製

乾薑

草果

陳皮

良薑

茯苓

神麴

炒

麴各等分

右為末每服二錢入鹽些小水煎服

按已上並足陽明經藥也

消食之劑

三因紅丸子治脾胃虛冷飲食失節宿食留飲聚癖腸胃或因食不調衝胃寒濕忽作霍亂吐利並作心腹絞痛

蓬朮

三棱

各二兩同用米醋炙一伏時

胡椒

一兩

青皮

三兩炒

阿魏一分

右為末化阿魏入陳米粉為丸如梧子大朱砂為衣每服百丸至二百丸不拘時生薑甘草湯下

雜方

嚴氏洗法治霍亂轉筋

麥一把去兩頭水三升煮二升放溫熏洗

漬法治霍亂轉筋入腹

鹽多用煎湯於槽中暖漬之

三因吐法治乾霍亂蠱毒宿食不消積冷心腹煩滿鬼
氣極鹹鹽湯三升熱飲一升刺口令吐宿食便盡不
吐更服吐訖復飲三吐乃止此法大勝諸治俗人以
為田舍淺近鄙而不用守死而已凡有此證即先用

之元戎云吐定用理中湯

灸法治霍亂已死腹中有暖氣者 鹽內臍中灸二七

壯

玉機微義卷四十六